

**SESIÓN ORDINARIA DA XUNTA DE GOBERNO LOCAL CELEBRADA O DÍA 13  
DE OUTUBRO DE 2016.-**

**ÍNDICE DE PUNTOS**

<b>PUNTO PRIMEIRO.- ACTAS ANTERIORES.-.....</b>	<b>3</b>
<b>PUNTO SEGUNDO.- LICENZA DE OBRA.-.....</b>	<b>3</b>
<b>PUNTO TERCEIRO.- LICENZA DE PRIMEIRA OCUPACIÓN.-.....</b>	<b>4</b>
<b>PUNTO CUARTO.- LICENZA DE SEGREGACIÓN.-.....</b>	<b>5</b>
<b>PUNTO QUINTO.- APROBACIÓN DA XUSTIFICACIÓN DA SUBVENCIÓN Á ASOCIACIÓN DE COMERCIANTES DE BERTAMIRÁNS PARA O FINANCIAMENTO DA XII FEIRA DE COMERCIO VAL DA MAÍA.-.....</b>	<b>6</b>
<b>PUNTO SEXTO.- APROBACIÓN DO REPARTO DE AXUDAS PARA A PROMOCIÓN DE FESTAS POPULARES, EXERCICIO 2016.-.....</b>	<b>7</b>
<b>PUNTO SÉTIMO.- APROBACIÓN DO REPARTO DE AXUDAS PARA A PROMOCIÓN DE ACTIVIDADES CULTURAIS LEVADAS A CABO POR ASOCIACIÓNS CULTURAIS, ANO 2016.-..</b>	<b>7</b>
<b>PUNTO OITAVO.- RESOLUCIÓN DO RECURSO DE REPOSICIÓN PRESENTADO POR A BILLARDA S.L. CONTRA O ACORDO DA XUNTA DE GOBERNO LOCAL DE 8 DE SETEMBRO DE 2016 DE EXCLUSIÓN DO EXPEDIENTE DE LICITACIÓN DO SERVIZO DE DESENVOLVEMENTO DE ACTIVIDADES DE PREVENCIÓN, PROMOCIÓN DA SAÚDE E DINAMIZACIÓN DE PERSOAS MAIORES (PROGRAMA AMESÁN) DO CONCELLO DE AMES.-.....</b>	<b>10</b>



## **SESIÓN ORDINARIA DA XUNTA DE GOBERNO LOCAL DO DÍA 13 DE OUTUBRO DE 2016.-**

Na Casa Consistorial de Ames, sendo as nove horas (9:00 h) do día trece (13) de outubro de dous mil dezaseis (2016), reúnese a Xunta de Goberno Local deste Concello en sesión ordinaria de primeira convocatoria, baixo a Presidencia do alcalde, José Manuel Miñones Conde, e coa asistencia dos/as tenentes de alcalde Genma Otero Uhía, David Santomil Mosquera, José Blas García Piñeiro, Silvia Dapena Liñares, M<sup>a</sup> Isabel Vaquero Quintela e Luisa Feijóo Montero.

Asiste a **interventora** Margarita Fernández Sobrino.

Actúa de **secretaria** a titular da Corporación, Rosa Ana Prada Queipo.

### **PUNTO PRIMEIRO.- ACTAS ANTERIORES.-**

O señor presidente pregunta aos asistentes se teñen algunha alegación que formular á acta da sesión anterior, correspondente á **sesión ordinaria do 6 de outubro de 2016**, e que foi distribuída con anterioridade, en cumprimento do establecido no artigo 91.1 do Regulamento de Organización, Funcionamento e Réxime Xurídico das entidades locais, aprobado polo Real Decreto Lexislativo 2568/1986 de 28 de novembro. (ROF).

Non formulándose alegacións polos asistentes, a Presidencia declara aprobada a acta por unanimidade.

### **PUNTO SEGUNDO.- LICENZA DE OBRA.-**

1.- Dáse conta da solicitude presentada por [REDACTED] para o **cambio de cuberta e illamento** dunha vivenda unifamiliar no lugar de [REDACTED]

Figuran no expediente informes favorables da arquitecta municipal e da asesora xurídica de urbanismo. Figura tamén a conformidade da Intervención municipal ás consideracións tributarias deste expediente.

#### **Expediente 2016/U022/000038**

Cualificación do PXOM: Núcleo rural tradicional.

Altura, volumes e ocupación da parcela permitidos: Altura máxima 7m. Ocupación máxima 30%

Presuposto de execución material segundo o proxecto: 16.001,08 €.

Técnico autor do proxecto: Juan S Lareo Sánchez (arquitecto Colexiado 3334).

Descrición das obras: Substitución da cuberta dunha vivenda por unha nova, sen alterar o volume nin o uso baixo cuberta de trasteiro preexistente e colocar illamento térmico en parte do perímetro da construción.

A execución dunha nova estrutura de cuberta supón a previa retirada da anterior e a colocación dunha nova colocación de fibrocemento, tella e canalóns. Recolle tamén substituír ventás e novo revestimento parcial.

En aplicación da Ordenanza Fiscal reguladora da taxa pola expedición de licenzas urbanísticas, efectuouse un ingreso por un importe de 193,71 euros.

Vistos os informes técnico e xurídico favorables obrantes no expediente, que propoñen a concesión da licenza solicitada, a Xunta de Goberno Local por unanimidade dos seus membros presentes, e previa delegación da Alcaldía (decreto 480/2016), adopta os seguintes acordos:

**Primeiro.-** Conceder, salvo o dereito de propiedade e sen prexuízo do de terceiro, licenza de obra a [REDACTED] para o **cambio de cuberta e illamento** dunha vivenda [REDACTED] (referencia catastral

[REDACTED] segundo o proxecto redactado polo arquitecto Juan S. Lareo Sánchez (colexiado número 3334), con data maio 2016.

**Segundo.-** A eficacia da licenza concedida quedará supeditada ao cumprimento das seguintes condicións:

As sinaladas no informe da arquitecta municipal:

- Enlazará coas pluviais preexistentes; non enlazarán pluviais a fecais.
- O proxecto non prevé desmontaxe de planchas de fibrocemento. Lémbrese a obriga de cumprir, no seu caso, co RD 396/06, de 31 de marzo e para o manexo e retirada legal deste tipo de residuos de xeito que a empresa que os manipule estea inscrita no rexistro RERA regulado polo ISSGA.
- A obra deberá axustarse ao proxecto en base ao cal se lle outorga a licenza.
- Cando o director da obra deixe de actuar nela poñeralo en coñecemento do concello. O propietario está obrigado a nomear e comunicar por escrito ao concello novo facultativo director da obra.
- Disporase, a pé de obra, de copia autorizada da licenza municipal e do proxecto.
- Durante a execución da obra adoptaranse tódalas medidas de seguridade e saúde laboral establecidas na normativa vixente, tanto respecto á edificación como á vía pública. Escombros e provisións de materiais non poderán amorearse na vía pública. O entullo levarase a vertedoiro autorizado, de acordo coa normativa.
- Colocarase o cartel indicador de obra nun lugar visible dende o exterior.

As sinaladas no informe da asesora xurídica de Urbanismo:

- Os condutores de camiós e os responsables das obras deberán coidar de que as rodas dos mesmos estean limpas de barro antes de acceder á vía pública, así como que a citada vía quede limpa.

**Terceiro.-** A licenza caducará por mor da demora na iniciación e finalización das obras, así como por mor da súa interrupción; sendo o prazo máximo de iniciación de (6) seis meses e o de terminación de (3) tres anos dende a data do seu outorgamento e non poderá interromperse por un período superior a (6) seis meses.

**Cuarto.-** Aprobar a liquidación provisional do imposto sobre construcións, instalacións e obras (ICIO) que ascende á cantidade de trescentos vinte euros con dous céntimos (320,02 €).

**PUNTO TERCEIRO.- LICENZA DE PRIMEIRA OCUPACIÓN.-**

1.-Dáse conta da documentación presentada por [REDACTED] para á tramitación de licenza de primeira ocupación **dunha** [REDACTED]

Achega o correspondente certificado final de obra, asinado polos técnicos directores das obras e visado polos colexios correspondentes do expediente 2014/U008/000040, cuxa licenza de obras foi concedida a Jorge Quiroga Martínez pola Xunta de Goberno Local na sesión celebrada o 19 de febreiro do 2015 (expediente 2014/U008/000040).

Constan no expediente os informes favorables da arquitecta municipal e da asesora xurídica de urbanismo. Figura a conformidade da Intervención municipal ás consideracións tributarias deste expediente.

Figura realizada cesión de terreos para viais ante a secretaria municipal o 15 de xullo de 2016, sendo a superficie de cesión de 25,30 m<sup>2</sup>.

Figura aboada a taxa pola expedición de licenzas urbanísticas por importe de 96,85 €.

**Expediente 2016/U007/000008**

Vistos os informes técnico e xurídico favorables obrantes no expediente, que propoñen a concesión da licenza de primeira ocupación solicitada, a Xunta de Goberno Local por unanimidade dos seus membros presentes, e previa delegación da Alcaldía (decreto 480/2016), acorda:

**Primeiro.-** Conceder a [REDACTED] **licenza de primeira**

**Segundo.-** Aprobar a liquidación do imposto sobre construcións, instalación e obras (ICIO) complementaria á liquidada con carácter provisional ao remate da obra e no momento de conceder a licenza segundo o seguinte detalle:

Orzamento de execución material declarado ao momento de solicitar a licenza (base imponible da "Liquidación provisional a conta")	138.527,08 €
Orzamento de execución material declarado ao remate da obra (base imponible da "liquidación provisional complementaria	181.331,94 €
Incremento do orzamento	42.804,86 €
Tipo a aplicar	2%
Importe da liquidación complementaria do ICIO a ingresar (tipo % incremento do orzamento)	856,10 €

O anterior debe entenderse sen prexuízo da liquidación definitiva que, no seu caso, proceda ditar no marco co correspondente procedemento inspector, nos termos do artigo 101.3.a) da Lei 58/03, de 17 decembro, Xeral Tributaria.

**Terceiro.-** Instarase no Catastro Inmobiliario o procedemento de incorporación que corresponda pola modificación do inmovible derivada da actuación para a que se concedeu a licenza de obra 2014/U008/00040

**Cuarto.-** Dar traslado á empresa concesionaria dos servizos de auga e saneamento, aos efectos pertinentes.

**Quinto.-** Facultar ao señor alcalde, para cantas actuacións sexan precisas para a mellor execución do acordado.

## **PUNTO CUARTO.- LICENZA DE SEGREGACIÓN.-**

### **1.- Expediente 2016/U018/000008**

Dáse conta da solicitude presentada por [REDACTED] para a [REDACTED] coa referencia catastral número [REDACTED] situada no lugar de [REDACTED]

Figuran no expediente informes favorables da arquitecta municipal e da asesora xurídica de Urbanismo. Figura tamén a conformidade da Intervención municipal as consideracións tributarias deste expediente.

Cualificación do solo segundo PXOM: Solo de núcleo rural disperso.

#### Descrición da parcela segundo proxecto:

Finca número [REDACTED] de concentración parcelaria de [REDACTED] concello de Ames, ao sitio de [REDACTED] Terreo dedicado a labradío cunha superficie de trinta e tres áreas e corenta e seis centiáreas, que linda polo Norte con zona excluída e [REDACTED]; Sur, [REDACTED] Leste, zona excluída e Oeste [REDACTED]

#### Observacións

Esta finca está gravada cunha servidume de acueduto soterrado, en beneficio de fincas excluídas da concentración, propiedade de [REDACTED]. Dito acueduto que penetra na finca gravada polo seu lindeiro oeste, sae polo norte.

Inscrición: [REDACTED]

O proxecto achegado indica que, tras comprobación no terreo, observase unha maior superficie que a que figura no título de propiedade; non obstante, a segregación faise conforme á superficie que figura no título de propiedade.

**Parcelación proposta:** A finca aportada segregábase en tres parcelas de resultado denominadas, [REDACTED], de máis de 1000 m<sup>2</sup> cada unha. Non existen construcións preexistentes.

Compre prever recuamentos aos camiños que presentan fronte á parcela, segundo establece o PXOM.

En aplicación da Ordenanza Fiscal reguladora da taxa pola expedición de licenzas urbanísticas, aboáronse as taxas por importe de 193,71 euros.

Á vista dos informes favorables, técnico e xurídico, obrantes no expediente, a Xunta de Goberno Local, por unanimidade dos seus membros presentes, previa delegación da Alcaldía (decreto 480/2016), adopta os seguintes acordos:

**Primeiro.-** Conceder, salvo o dereito de propiedade e sen prexuízo do de terceiro, a **licenza de** [REDACTED] solicitada por [REDACTED] para a parcelación da finca coa referencia catastral número [REDACTED], situada no **Lugar** [REDACTED] en tres novas parcelas, segundo o documento técnico redactado polo enxeñeiro agrónomo Jesús Francisco Nieto Pais (colexiado número 599) con data 21 de xuño de 2016, e o informe subscrito pola arquitecta municipal, sendo a descrición das parcelas de resultado o seguinte:

Parcela	Superficie bruta	Cesión viais	Superficie Neta
[REDACTED]	1.066,00 m <sup>2</sup>	87,00 m <sup>2</sup>	979,00 m <sup>2</sup>
[REDACTED]	1.150,00 m <sup>2</sup>	63,00 m <sup>2</sup>	1.087,00 m <sup>2</sup>
[REDACTED]	1.130,00 m <sup>2</sup>	65,00 m <sup>2</sup>	1.065,00 m <sup>2</sup>
TOTAL	3.346,00 m <sup>2</sup>	215,00 m <sup>2</sup>	3.131,00 m <sup>2</sup>

**Segundo.-** Autorizar a división dos terreos destinados a viais e espazos libres, cunha superficie total de 215,00 m<sup>2</sup> (87,00 m<sup>2</sup> da parcela de resultado [REDACTED] 63,00 m<sup>2</sup> da [REDACTED]; e 65,00 m<sup>2</sup> da [REDACTED] a efectos do cumprimento da obriga de cesión do artigo 24 da Lei do Solo de Galicia, cesión que condiciona a presente licenza de parcelación e que deberá formalizarse en documento público.

**Terceiro.-** Formalizárase ante o Catastro Inmobiliario a declaración conducente a incorporación no mesmo da modificación derivada da actuación para a que se outorga a presente licenza.

**Cuarto.-** Facultar ao señor alcalde, para cantas actuacións de trámite sexan precisas para a mellor execución do acordado.

#### **PUNTO QUINTO.- APROBACIÓN DA XUSTIFICACIÓN DA SUBVENCIÓN Á ASOCIACIÓN DE COMERCIANTES DE BERTAMIRÁNS PARA O FINANCIAMENTO DA XII FEIRA DE COMERCIO VAL DA MAÍA.-**

O 7 de xuño de 2016, previo decreto 1006/2016 de 3 de xuño de concesión de achega á Asociación de Comerciantes de Bertamiráns para a realización do proxecto de XII Feira do Comercio Val da Maía, asinase convenio subvencionador entre o Concello de Ames e a Asociación de Comerciantes de Bertamiráns para o desenvolvemento do proxecto denominado "Organización e Desenvolvemento da XII Feira do Comercio Val da Maía", que recolle unha achega nominativa por un importe máximo de 3.053,68 €.

Visto a documentación xustificativa achegada, o informe proposta da Concellaría de Comercio, Promoción Económica e a fiscalización favorable da Intervención municipal (informe 119/2016), a Xunta de Goberno Local por unanimidade dos seus membros presentes, previa delegación da Alcaldía (decreto 480/2016), adopta os seguintes acordos:

**Primeiro.-** Aprobación da xustificación da subvención outorgada á Asociación de Comerciantes de Bertamiráns (CIF G 15895527), para o financiamento do proxecto "Organización e Desenvolvemento da XII Feira de Comercio Val da Maía", nos termos descritos na memoria aportada o 31 de agosto de 2016 (RE 8837), e de acordo co seguinte cadro.

Importe achega	Gasto orzamentado	Gasto finalmente acreditado	Importe final da achega	CF efectivo
<b>3.053,31 €</b>	<b>9.733,22 €</b>	<b>9.734,13 €</b>	<b>2.978,31 €</b>	<b>30,6%</b>

**Segundo.-** Aprobar o gasto por importe de 2.978,31 € con cargo a aplicación 431447903.

**Terceiro.-** Dar traslado aos servizos económicos para que procedan ao seu pagamento.

**Cuarto.-** Facultar ao señor alcalde, para cantas actuacións de trámite sexan precisas para a mellor execución do acordado.

## **PUNTO SEXTO.- APROBACIÓN DO REPARTO DE AXUDAS PARA A PROMOCIÓN DE FESTAS POPULARES, EJERCICIO 2016.-**

A Xunta de Goberno Local de 23 de xuño de 2016 deu aprobación ás bases da Convocatoria de Subvencións para Promoción de Festas Populares celebradas no exercicio 2016.

Vista a proposta do Concelleiro Delegado de Cultura e a fiscalización de conformidade da Intervención municipal, a Xunta de Goberno Local por unanimidade dos seus membros presentes, previa delegación da Alcaldía (decreto 480/2016), adopta os seguintes acordos:

**Primeiro.-** Prestar aprobación ao reparto de axudas para a promoción de Festas Populares para o ano 2016. de acordo co seguinte detalle:

ENTIDADE CIF	ORZAMENTO	Nº DE HABITANTES	IMPORTE A CONCEDER	IMPORTE MÍNIMO A XUSTIFICAR	OBXECTO DA SUBVENCIÓN
ASOCIACIÓN RECREATIVO CULTURAL DE AMEIXENDA G15975881	3.600,00 €	332	1.000,00 €	2.000,00 €	ORQUESTRAS, GRUPO ELECTRÓXENO, PIROTECNIA, CARPA.
ASOCIACIÓN DE VECIÑOS SAN PEDRO DE BUGALLIDO G15407976	5.805,00 €	1517	2.500,00 €	5.000,00 €	ALUMEADO, PIROTECNIA, GRUPO MUSICAL
ASOC. SOCIAL E CULTURAL E DEPORTIVA O CORPIÑO G15850399	5.300,00 €	134	1.000,00 €	2.000,00 €	PIROTECNIA, GRUPO MUSICAL, GRUPO DE GAITAS
ASOCIACIÓN CULTURAL COMISIÓN DE FESTAS SAN LOURENZO DE AGRÓN G15834369	17.306,56 €	396	1.000,00 €	2.000,00 €	ORQUESTRAS, PIROTECNIA, GRUPO ELECTRÓXENO.
ASOCIACIÓN DE FESTAS DO MILLADOIRO G70206404	50.327,50 €	12676	8.000,00 €	16.000,00 €	ACTIVIDADES MUSICAIS, ACTIVIDADES INFANTIS, IMPRENTA, SGAE, ILUMINACIÓN, PIROTECNIA
ASOCIACIÓN SOCIOCULTURAL MULLERES SAN XOÁN DE ORTOÑO G70438486	905,00 €	2354	905,00 €	1.810,00 €	FOGOS DE ARTIFICIO, GRUPO MUSICAL,
ASOCIACIÓN CULTURAL E DE FESTOS VIRXE DA PEREGRINA G15885866	17.000,00 €	8.493	7.095,00 €	14.190,00 €	ORQUESTRAS, PIROTECNIA, GRUPO ELECTRÓXENO, CHARANGAS, ALUMEADO, SEGUROS, IMPRENTA
ASOCIACIÓN CULTURAL DE AMES G70204268	6.775,00 €	1.576	1.500,00 €	3.000,00 €	PIROTECNIA E GRUPOS MUSICAIS

**Segundo.-** O prazo de xustificación das achegas será ata o día 31 de xaneiro de 2017, tal e como figura na base 8.1 da convocatoria. Os gastos a aportar polos beneficiarios deberán corresponder, en todo caso, ao exercicio 2016.

**Terceiro.-** Facultar ao señor alcalde, para cantas actuacións de trámite sexan precisas para a mellor execución do acordado.

## **PUNTO SÉTIMO.- APROBACIÓN DO REPARTO DE AXUDAS PARA A PROMOCIÓN DE ACTIVIDADES CULTURAIS LEVADAS A CABO POR ASOCIACIÓNS CULTURAIS, ANO 2016.-**

A Xunta de Goberno Local de 23 de xuño de 2016 deu aprobación ás bases da Convocatoria de Subvencións para Promoción de actividades levadas a cabo por asociacións culturais do Concello de Ames celebradas no exercicio 2016.

Vista a proposta do Concelleiro Delegado de Cultura e a fiscalización de conformidade da

Intervención municipal, a Xunta de Goberno Local por unanimidade dos seus membros presentes, previa delegación da Alcaldía (decreto 480/2016), adopta os seguintes acordos:

**Primeiro.-** Prestar aprobación ao reparto de axudas para a promoción de actividades levadas a cabo por asociacións culturais do Concello de Ames para o ano 2016 de acordo co seguinte detalle:

ENTIDADE CIF	ORZAMENTO	IMPORTE SOLICITADO	TOTAL PUNTOS	Coef. finan- ciamento	IMPORTE QUE LLE CORRESPONDERÍA	IMPORTE A CONCEDER COA REDUCCIÓN PROPORCIONAL	IMPORTE A XUSTIFICAR	OBXECTO DA SUBVENCIÓN
ASOCIACIÓN EDUCATIVA CULTURAL MUSICRE-ARTE G70041587	4.840,00 €	3.388,00 €	55	55	2.262,00 €	2.047,11 €	4.840,00 €	ADQUISICIÓN DE MATERIAL BIBLIOGRÁFICO, DISCOGRÁFICO E SUBSCRICIÓN Á REVISTA EUFONÍA, ADQUISICIÓN DE EQUIPAMENTO TECNOLÓXICO, INSTRUMENTOS, ACTIVIDADES DE FORMACIÓN E DIVULGACIÓN. FINANCIAMENTO DE DOMINIO WEB
ASOCIACIÓN DE VECIÑOS SAN PEDRO DE BUGALLIDO G15407976	1.659,38 €	1.639,58 €	55	55	901,76 €	816,09 €	1.659,38 €	EQUIPAMENTO: MESA, SILLAS, ORDENADOR E IMPRESORA
ASOC. CULTURAL FOLLAS NOVAS / G15719313	6.000,00 €	6.000,00 €	57,5	58	3.420,00 €	3.095,10 €	6.000,00 €	PAGO PROFESORADO. COMPRA DE INSTRUMENTOS PARA CLASES E COMPRA DE ROUPA TRADICIONAL PARA ACTUACIÓNS. ORGANIZACIÓN DE ACTIVIDADES RELACIONADAS COA MUSICA TRADICIONAL
ASOC. DE VECIÑOS MONTE DO CREGO/G15793169	1.510,00 €	1.050,00 €	55	55	830,50 €	751,60 €	1.510,00 €	MAGOSTO
NOVA ESCOLA GALEGA G36645232	10.200,00 €	7.500,00 €	60	60	6.120,00 €	5.538,60 €	10.200,00 €	OBRADOIROS E ACTIVIDADES DE DEBATE SOBRE MÚSICA, DANZA. AUDIOVISUAL, CÓMIC E LITERATURA.
ASOC. GALEGA DEPORTIVA E CULTURAL DEL CANARIO DE CANTO G70084678	1.020,00 €	550,00 €	30	30	306,00 €	276,93 €	1.020,00 €	DESPLAZAMIENTO ALOXAMENTO E DIETAS DE XUICES,
ASOC. RECREATIVA, DEPORTIVA E CULTURAL LOJO BATALLA G15200165	2.800,00 €	1.000,00 €	65	65	1.000,00 €	929,09 €	2.800,00 €	VIAXE CULTURAL A LEÓN
ASOC. CULTURAL ANTONIO SANTOMIL/ G15351489	2.740,00 €	1.600,00 €	45	45	1.233,00 €	1.115,86 €	2.740,00 €	VIAXE CULTURAL A ASTURIAS
ASOCIACIÓN CULTURAL A SILVA G70159264	1.500,00 €	1.200,00 €	40	40	600,00 €	543,00 €	1.500,00 €	ORGANIZACIÓN DE CURSOS: MACRAMÉ, XOIERÍA, CALCETA, COIRO, AGREMANS, DESEÑO DE PUNTILLAS POR ORDENADOR.
ASOCIACIÓN CULTURAL MONTE DA COSTA V15254915	2.500,00 €	1.500,00 €	55	55	1.375,00 €	1.244,37 €	2.500,00 €	MAGOSTO
ASOCIACIÓN CULTURAL A MAHIA G15038987	2.362,62 €	1.150,00 €	65	65	1.150,00 €	1.040,75 €	2.362,62 €	VIAXE CULTURAL A CELANOVA , E CHARANGA, BOMBAS, PREMIOS E PUBLICIDADE DA FESTA DE SAN ISIDRO E VIA
ASOCIACIÓN CULTURAL RE-TRANQUEIROS G70445770	11.780,00 €	7.500,00 €	60	60	7.068,00 €	6.396,54 €	11.780,00 €	TRANSPORTE REPRESENTACIÓN DE GALICIA EN MADRID E EN PORTUGAL. VESTIARIO E INDIMENTARIA. COMPRA DE BOMBO E TAMBOR TRADICIONAL
ASOCIACIÓN CULTURAL OS CASTROS G15389026	4.270,07 €	4.270,07 €	57,5	58	2.433,93 €	2.202,70 €	4.270,07 €	COMPRA E REPARACIÓN DE INSTRUMENTOS, VESTIARIO, FOLIADA, FESTIVAL E DÍA DE GALICIA EN MADRID MATERIAL DE OFICINA, INFORMÁTICA



ASOCIACIÓN AMIGOS CAMIÑO PORTUGUÉS G70391990	4.307,60 €	3.446,08 €	35	35	1.507,66 €	1.364,43 €	4.307,60 €	WEB ASOCIACIÓN
ASOC. DE VECINOS SAN PAIO DE LENS G70318258	1.692,39 €	1.692,39 €	55	55	930,81 €	842,38 €	1.692,39 €	CONCURSO DE DEBUXO INFANTIL, XINCANA POPULAR, CONCURSO DE POSTRES, DÍA DA SIDRA
ASOC. CULTURAL A MADALENA G15376643	7.219,54 €	3.634,54 €	57,5	57	2.108,03 €	1.907,76 €	7.219,54 €	ACTIVIDADES CULTURAIS NA FESTA DAS TAPAS E NOITES NA TERRAZA
ASOCIACIÓN CULTURAL TERRAS DE AMES G70306055	600,00 €	600,00 €	40	40	240,00 €	217,20 €	600,00 €	REALIZACIÓN DE ENCONTROS DE MÚSICA TRADICIONAL (GASTOS DE TRANSPORTE, ARRANXO E CONFECCIÓN DE VESTIARIO MERENDA PARA OS INTEGRANTES DAS ASOCIACIÓN)
ASOCIACIÓN CULTURAL SAN XOANCIÑO G70247069	1.000,00 €	1.000,00 €	55	55	550,00 €	497,75 €	1.000,00 €	FLORES ALFOMBRA VIRXE LOURDES, CARPA
ASOCIACIÓN SOCIOCULTURAL DE MULLERES DE SAN XOÁN G70438486	4.111,50 €	3.289,20 €	55	55	2.261,32 €	2.046,49 €	4.111,50 €	CURSO DE BORDADO TRAXE GALEGO, AUTOBUS PARA A MOSTRA DO ENCAIXE DE CAMARIÑAS
ASOCIACIÓN CULTURAL E FESTEXOS VIRXE DA PEREGRINA G 15885866	2.500,00 €	1.750,00 €	45	45	1.126,00 €	1.019,03 €	2.500,00 €	EXCURSIÓN CULTURAL
ASOCIACIÓN DE VECIÑOS CEMITERIO SANTO TOME DE AMES G70281944	14.250,00 €	3.500,00 €	80	80	Renuncian a solicitude	0,00 €		VIAXE A ITALIA
ASOCIACIÓN TOLOS POLA XUVENTUDE G70457114	15.000,00 €	12.000,00 €	45	45	6.750,00 €	6.108,75 €	15.000,00 €	ORGANIZACION FESTA DA XUVENTUDE
ASOCIACIÓN AMES POSPETROLEO G70480702	8.522,28 €	6.800,00 €	42,5	43	0,00 € presentan a emenda ao requirimento fora de prazo.	0,00 €		ELABORACIÓN DE CONTIDOS DA PUBLICACIÓN: GUIÓN, DEBUXO, GUIADIDACTICA, IMPRESION LIBRO ISBN LIBRO.
<b>TOTAL IMPORTE A CONCEDER</b>					<b>44.173,01 €</b>	<b>40.000,00 €</b>		

**Segundo.-** O prazo de xustificación das achegas será ata o día 31 de xaneiro de 2017, tal e como figura na base 8.1 da convocatoria. Os gastos a aportar polos beneficiarios deberán corresponder, en todo caso, ao exercicio 2016.

**Terceiro.-** Facultar ao señor alcalde, para cantas actuacións de trámite sexan precisas para a mellor execución do acordado.

**PUNTO OITAVO.- RESOLUCIÓN DO RECURSO DE REPOSICIÓN PRESENTADO POR A BILLARDA S.L. CONTRA O ACORDO DA XUNTA DE GOBERNO LOCAL DE 8 DE SETEMBRO DE 2016 DE EXCLUSIÓN DO EXPEDIENTE DE LICITACIÓN DO SERVIZO DE DESENVOLVEMENTO DE ACTIVIDADES DE PREVENCIÓN, PROMOCIÓN DA SAÚDE E**

## **DINAMIZACIÓN DE PERSOAS MAIORES (PROGRAMA AMESÁN) DO CONCELLO DE AMES.-**

Respecto ao recurso de reposición presentado pola Billarda S.L., contra o acordo da Xunta de Goberno Local de 8 de setembro de 2016, emítese informe de Secretaría de data 10 de outubro, do teor literal seguinte:

### **"ANTECEDENTES DE FEITO**

**I.-** En Xunta de Goberno Local de 12 de maio de 2016 préstase aprobación ao expediente de licitación mediante procedemento aberto, oferta económica máis vantaxosa, varios criterios de adxudicación e tramitación ordinaria do servizo de desenvolvemento de actividades de prevención, promoción da saúde e dinamización de persoas maiores (Programa Amesán) do Concello de Ames.

**II.-** Tramitado o expediente de licitación, a Mesa de Contratación constituída ao efecto procede en sesión do 9 de agosto de 2016 á apertura do Sobre B (Referencias Técnicas). Feita dita apertura, a Mesa de Contratación comproba que a documentación correspondente a dúas empresas, Servicios Integrales de Formación S.A. y A BILLARDA S.L., incumpren o establecido no artigo 16.2 do Prego de Cláusulas Administrativas Particulares (en diante PCAP), ao non presentar a súa proposta de sobre B "Referencias Técnicas" en soporte informático (memoria USB), tal e como esixía a referida cláusula.

**III.-** Na súa reunión de 9 de agosto de 2016 a Mesa de Contratación adopta acordo de excluír do procedemento de licitación a ambas empresas, Servicios Integrales de Formación S.A., y A Billarda S.L. Fronte a esta exclusión, A Billarda S.L. con data de rexistro de entrada 19 de agosto de 2016, Rexistro núm. 8534, presenta alegacións.

**IV.-** A Mesa de Contratación do expediente de licitación réunese o 30 de agosto de 2016 ao obxecto de analizar as alegacións presentadas por A Billarda S.L e propón ao órgano de contratación a desestimación das alegacións presentadas, por quedar acreditado o incumprimento da empresa de presentar a documentación do sobre B "Referencias Técnicas" en soporte informático (memoria USB), tal e como esixía a cláusula 16.2 do PCAP.

**V.-** Seguindo a proposta da Mesa de Contratación, a Xunta de Goberno Local en sesión de 8 de setembro de 2016 adopta acordo de desestimar as alegacións presentadas por A Billarda S.L., e de excluíla do procedemento de licitación. Dito acordo notificase á empresa A Billarda S.L. o 9 de setembro de 2016, co número de rexistro de saída 7040. Continuando a tramitación do expediente de licitación, a Mesa de Contratación na súa reunión do 12 de setembro de 2016 procede a apertura do Sobre C, formulando proposta de clasificación de ofertas.

**VI.-** De conformidade co proposto pola Mesa de Contratación, a Xunta de Goberno Local en sesión 15 de setembro de 2016, procede a clasificación de ofertas por orde decrecente e require á clasificada en primeiro lugar para que aporte a documentación precisa para a adxudicación do contrato.

**VII.-** Aportada a documentación esixida, a Xunta de Goberno Local en sesión de 29 de setembro de 2016, adxudica o servizo de desenvolvemento de actividades de prevención, promoción da saúde e dinamización de persoas maiores (Programa Amesán) do Concello de Ames, á empresa MAGNAFOR QUALITAS S.L., procedéndose á formalización do contrato o día 1 de outubro de 2016.

**VIII.-** Con data 3 de outubro de 2016, rexistro de entrada 9985 de 5 de outubro, a empresa A Billarda S.L. presenta recurso de reposición contra o acordo da Xunta de Goberno Local de 8 de setembro de 2016 de desestimación das súas alegacións e de exclusión do procedemento de licitación en base ás seguintes consideracións:

1ª. A non presentación do Sobre B "Referencias Técnicas" en soporte informático é un leve erro de carácter formal e subsanable. Considera que presentar o Sobre B en soporte papel é unha mera deficiencia. Para argumentalo xuridicamente aporta diferentes sentenzas, concretamente Sentenza da Sala do Contencioso da Audiencia Nacional de 6 de febreiro de 2008 e sentenza do Tribunal Superior de Xustiza da Unión Europea de 10 de decembro de 2009.

Sen prexuízo do contido de ambas sentenzas o suposto de feito é distinto ao caso que nos ocupa, pois non se produciu un erro no contido do Sobre B, entre outras cousas porque no se entrou á súa análise dende o momento no que quedou acreditado que dito sobre non foi

2. Como outrosí a Empresa A Billarda S.L. solicita a suspensión cautelar do procedemento de adxudicación do servizo para evitar perxuízos de imposible ou difícil reparación.

Esta solicitude de suspensión non pode ser acollida dado que a adxudicación do servizo xa tivo lugar por acordo de Xunta de Goberno Local de 29 de setembro de 2016, sendo formalizado o contrato o día 1 de outubro.

### **LEXISLACIÓN APLICABLE**

Lei 30/1992, de 26 de novembro, de Réxime Xurídico das Administracións Públicas e Procedemento Administrativo Común.

Lei 39/2015, de 1 de outubro, do Procedemento Administrativo Común das Administracións Públicas.

### **FUNDAMENTOS DE DEREITO**

**PRIMEIRO.-** Se ben o 3 de outubro de 2016 xa entrou en vigor a lei 39/2015, de 1 de outubro, do Procedemento Administrativo Común das Administracións Públicas, a normativa aplicable ao presente recurso de reposición é a recollida na Lei 30/1992, de 26 de novembro, de Réxime Xurídico das Administracións Públicas e Procedemento Administrativo Común, tal e como deriva da disposición transitoria terceira da Lei 39/2015, a cal explicita que aos procedementos xa iniciados antes da entrada en vigor da lei non lles será de aplicación a mesma, rexéndose pola normativa anterior.

A data de entrada en vigor da lei 39/2015, de 1 de outubro é o 2 de outubro de 2016, tal e como deriva da disposición final sétima de entrada en vigor, que establece que entrará en vigor ao ano da súa publicación no Boletín Oficial do Estado, que tivo lugar o 2 de outubro de 2015 (BOE núm. 236).

**SEGUNDO.-** Procede a admisión a trámite do recurso de reposición presentado por A Billarda SL contra o acordo da Xunta de Goberno Local de 8 de setembro de 2016, de exclusión do expediente de licitación do servizo de desenvolvemento de actividades de prevención, promoción de saúde, e dinamización de persoas maiores (Programa Amesán) do Concello de Ames.

Dito recurso foi interposto no prazo de 1 mes tal e como esixe o artigo 117 da LRX-PAC contra un acto que decide directamente o fondo do asunto para a empresa recorrente impedíndolle continuar no procedemento, tal como establece o artigo 107.1 da mesma lei, sendo competente para a resolución do recurso a Xunta de Goberno Local coma autora do acto impugnado, conforme ao artigo 116.1 da LRX-PAC.

**TERCEIRO.-** En relación ao fondo do asunto, non se pode acoller a pretensión da recorrente de considerar que a omisión do soporte informático do Sobre B é un erro formal subsanable, xa que a cláusula 16.2 do Prego de cláusulas administrativas particulares esixe que a presentación do Sobre B "Referencias Técnicas" se realice en soporte informático (memoria USB). Non se trata de que dito soporte se presentara con defectos formais (documentos non lexibles, datos corrompidos, ou outras fallas do soporte), senón da ausencia total e absoluta do soporte.

Non é, polo tanto, asimilable á Xurisprudencia existente no tocante a falta de sinatura nun documento presentado. Neste senso compre suliñar coma a mesma sentenza da Audiencia Nacional de 6 de febreiro de 2008, citada pola entidade recorrente na súa reposición, ven a considerar que no caso tratado nela "non existe un defecto substancial de falta de presentación da proposición económica, a omisión da firma é subsanable"; é dicir, que igual que a falta de firma é subsanable, por contraposición, a falta de presentación da proposición económica ten carácter de defecto substancial e non sería subsanable. No mesmo senso, no

*caso que nos ocupa estamos ante unha falta de presentación do soporte informático, o que por analoxía ca sentenza indicada considérase defecto non subsanable.*

*Tampouco pódese entender aplicable por analoxía a Sentencia do Tribunal Superior de Xustiza da Unión Europea de 10 de decembro de 2009, xa que non se trata de que o soporte informático presente erros manifestos ou ambigüidades; simplemente, non hai soporte informático. Con este feito contraviñese claramente a cláusula 16.2 do Prego de cláusulas administrativas Particulares. Procede, por elo, a desestimación do recurso de reposición.*

**CUARTO.-** *A desestimación do recurso de reposición faría innecesario entrar a analizar a procedencia da suspensión da eficacia do acto impugnado ao amparo do artigo 111 da LRX-PAC, posto que tal suspensión está expresamente condicionada a pendencia do recurso e, desestimado este, a suspensión, no hipotético suposto de terse accedido a ela, decaería automaticamente. Do mesmo xeito, o feito de que o recurso se teña presentado unha vez rematado o procedemento de licitación (acordo la Xunta de Gobierno Local de 29 de setembro de 2016), levaría necesariamente a desestimación da solicitude de suspensión, posto que non pode ser obxecto de tal suspensión un acto administrativo xa executado.*

*Vistos os Antecedentes de Feito e os Fundamentos de Dereito aplicables formulase á Xunta de Gobierno Local a seguinte* **PROPOSTA DE ACORDO:**

**1º Desestimar** *o recurso de reposición presentado pola entidade A Billarda S.L. con NIF B-27.278.845 contra o acordo da Xunta de Gobierno Local de 8 de setembro de 2016 de desestimación das alegacións presentadas e de exclusión do procedemento de licitación polos argumentos contidos no corpo deste informe.*

**2º Desestimar** *a pretensión da recorrente de suspensión do procedemento de licitación, xa que dita pretensión non pode ser atendida dende o momento en que por acordo da Xunta de Gobierno Local de 29 de setembro de 2016, e polo tanto antes da presentación do recurso, foi adxudicado o expediente de licitación."*

*Visto o anterior, a Xunta de Gobierno Local por unanimidade dos seus membros presentes, previa delegación da Alcaldía (decreto 480/2016), adopta os seguintes acordos:*

**Primeiro.- Desestimar** *o recurso de reposición presentado pola entidade A Billarda S.L. con NIF B-27.278.845 contra o acordo da Xunta de Gobierno Local de 8 de setembro de 2016 de desestimación das alegacións presentadas e de exclusión do procedemento de licitación, polos argumentos expostos no informe transcrito no corpo deste acordo.*

**Segundo.- Desestimar** *a pretensión da recorrente de suspensión do procedemento de licitación, xa que dita pretensión non pode ser atendida dende o momento en que por acordo da Xunta de Gobierno Local de 29 de setembro de 2016, e polo tanto antes da presentación do recurso, foi adxudicado o expediente de licitación.*

**Terceiro.-** *Facultar ao señor alcalde, para cantas actuacións de trámite sexan precisas para a mellor execución do acordado.*

*E non habendo máis asuntos que tratar levántase a sesión ás nove horas e quince minutos, estendéndose a presente acta que asina o señor presidente, do que certifico.*